

Gyɔn Ɔwɔlɛ Sasɛ

¹ Gayusɛ, mɛ-kyɛmɛnɛ dɛnsɛ,

Me, Yesu asonbo ɔbelɛnsɛ mɔ, nɛ n kya sa fo ɔwɔlɛ baarɛ. N kya laarɛ fo-ilaa gɛsintin so.

N Kya Nu Fo So Yɛɛ Fo Buu Gɛsintin Mɔ Ɔkpa

² Mɛ-kyɛmɛnɛ dɛnsɛ, n kya dalaa n kya kolɛ Wurubuaarɛ yɛɛ ɔ' yɛgɛ fo-ilaa kamaasɛ i' wɔra ɔdan sa fo de fo' kyɛna de alanfiya. Fo-oduduu dɔ lɛɛ bɛrɛ, iŋ bo mɛ gifuu.

³ I kya nyiilɛ yɛɛ aye-nanboana Yesu asonbo ako mɛ ba baa tɔgɛ mɛ gɛnɔɔbono fo kya gyi gɛsintin sa Wurubuaarɛ mɔ. Ilaa mɔ i wɔra mɛ ɔkon gikyɔ-gikyɔ. N nyi yɛɛ fo buu Wurubuaarɛ gɛsintin ɔkalan mɔ.

⁴ Nengyɛnɛ n kya nu yɛɛ mɛ-adɛ Yesu ɔson mɔ dɔ mɛ buu gɛsintin ɔkalan mɔ genɛn mɔ, i kya wɔra mɛ ɔkon don ilaa kamaasɛ.

Asafo Gikɛda

⁵ Mɛ-kyɛmɛnɛ dɛnsɛ, gɛnɔɔbono fo kya wɔra idɛnsɛ sa aye-nanboana Yesu asonbo, dabɔlɛ asafo abono fo mɛŋ nyi ɔmɔ mɔ, a wu yɛɛ a laa taalɛ kyu fo tii gikɔɔrɛ.

⁶ Asa mɛ ti baa lɛɛ fo-gɛsalaarɛ mɔ ilaa tɔgɛ sa Yesu asonbo gikpɛn gibono gi bo gɛrɛ mɔ. Wɔra aniyaa de fo' kii lɛɛ asafoana abono ɔkpa mɔmɔ-anaa-naa dɔ fɛɛ gɛnɔɔbono i kaabɔrɛ aye abono a kya son Wurubuaarɛ kyu naa de Yesu so a' wɔra mɔ.

⁷ Mɛ kya laare Kirisito ginyen gi' dii daa so ne mɛ koso mɛ naa ma-a tɔgɛ mɔ-ɔkalan mɔ. Mɛ kya kpe abono mɛ mɛn nyi Wurubuaare agyebi mɔ ase mɔ, mɛn kya kyu mɔmɔ-nyoro too mɔmɔ so yɛɛ mɔmɔ ne mɛ' kerɛ ɔmɔ so.

⁸ Imɔso i kaabore aye, Yesu asonbo mɔ ne a' kpaɛ genen asa abono ɔnan. Imɔ ne nan yɛgɛ aye-rɛ mɔmɔ a laa nyɛ wɔra gɛsun dabɔlɛ de Kirisito gɛsintin ɔkalan mɔ ɔ' nyɛ yɛlegɛ.

Abono Mɛ Kya Wɔra Ilaa Nyenyɛn Mɔ

⁹ Me-kyɛmɛnɛ dɛnsɛ, nɛ ti nmarasɛ ɔwolɛ ɔko bunge fɛye Yesu asonbo gikpen mɔ. Dayatrofiisɛ berɛ, mɛn kya ka aye-gɛnɔ. Ɔ kya laare daa gɛbelɛnsɛ.

¹⁰ Nengyɛnɛ nɛ ba fɛye ase nno mɔ, nan baa lɛɛ mɔ-ilaɛ wɔrasɛ tɔgɛ sa fɛye. Ɔ naa ɔ kya nyida aye, nɛ ɔ kya kɛɛ abon ɔ kya gyan aye so. Imɔ ibono wolɛ gbaa i mɛn kaabo mɔ. Ɔ kya kii kine bɔla yɛɛ ɔ man sɔɔ aye-nanboana Yesu asonbo mɔ gisafo. Nengyɛnɛ ako mɔ mɛ kya laare mɛ' sɔɔ ɔmɔ gisafo mɔ, ɔn kya yɛgɛ ɔmɔ. Mɛ wɔra genen mɔ, ɔ kya gya ɔmɔ lii Yesu asonbo gikpen mɔ dɔ.

¹¹ Me-kyɛmɛnɛ dɛnsɛ, gɛn sa fo' kasɛ ilaa nyenyɛn ibono asa mɛ kya wɔra mɔ. Kasɛ daa ilaa dɛnsɛ. Nyamɛsɛ ɔbono ɔ kya wɔra ilaa ibono i boran mɔ ne n gye Wurubuaare isa. Ɔbono mɔ ɔ kya wɔra daa ilaa nyenyɛn mɔ mɛn ti bii Wurubuaare ne.

¹² Dimiiterosi berɛ, nyamɛsɛ kamaasɛ kpe ɔ dɛ mɔ-ginyɛn dɛnsɛ. Gɛsintin ilaa ibono ɔ buu mɔ kee i kya lɛɛ mɔ-gidebi nyiile ɔkamaasɛ. Aye kee

genen. Ne fo nyi yɛɛ ibono a wu tɔgɛ mɔ i gyɛ gɛsintin.

Afaala Laalaalogɛ

¹³ Nkana n san n bo ilaa gikyɔ ibono nan tɔgɛ sa fo. Nɛ kii kerɛ mɔ, mɛn kya laarɛ n' ηmarasɛ imɔ ɔwɔlɛ dɔ bunge fo.

¹⁴ Me-ansi a gyan yɛɛ i maŋ kɛɛla, nan baa wu fo de ansi de a' nyɛ kyena tɔngɛ de abara.

Nɛ sin gerɛ. Wurubuaarɛ gisen yuuli gi' wɔra fo-lɛɛ. Aye-nanboana abono mɛ bo gerɛ mɔ mɛ kya faala fo. Faala aye-nanboana abono mɛ bo nno mɔ ɔkamaasɛ sa me.

I gyɛ me,
Gyɔn

Ḡḗḇḇ Pḗḇḇḇ
The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2025-04-25

PDF generated using Haiola and XeLaTeX on 25 Apr 2025 from source
files dated 25 Apr 2025

4cc402b4-139a-5f33-9af9-fbf62307f663